

# Kibar Jalur Gemilang tanda bersatu-padu

**PUTRAJAYA:** Tan Sri Muhyiddin Yassin mengajak seluruh rakyat membangkitkan semangat patriotisme dan menterjemahkan solidariti dengan mengibarkan Jalur Gemilang sebagai tanda bersatu padu dalam melawan pandemik Covid-19.

Perdana Menteri berkata, Jalur Gemilang adalah lambang negara yang mampu membangkitkan semangat patriotisme dalam hati setiap rakyat sekali gus mencetuskan solidariti dalam mendepani apa jua cabaran mendatang.

“Saya berharap kita dapat bersama-sama menterjemahkan bentuk solidariti itu dengan mengibarkan megah Jalur Gemilang, sebagai tanda kita sentiasa bersatu padu dalam melawan pandemik Covid-19 ini.

“Saya juga yakin setelah 64 tahun negara menikmati kebebasan dan kemerdekaan, amanlah mengibarkan Jalur Gemilang sentiasa dibudayakan dalam kehidupan seharian tanpa rasa malu dan janggal,” kata beliau ketika melancarkan program Bulan Kebangsaan dan Kibar Jalur Gemilang 2021 secara maya semalam.



**BEBERAPA** kakitangan Dewan Bandaraya Kuala Lumpur (DBKL) cawangan Seputeh memasang Jalur Gemilang di sekitar Kuchai Lama di Kuala Lumpur semalam sempena Bulan Kemerdekaan. - MINGGUAN/MOHD. FARIZWAN HASBULLAH

Perdana Menteri berkata, sambutan Hari Kebangsaan dan Hari Malaysia tahun ini mengekalkan tema Malaysia Prihatin seiring dengan iltizam dan aspirasi berterusan Kerajaan Perikatan Nasional (PN)

menyemai rasa cinta semua rakyat kepada negara.

Selain itu, menurut beliau, ia bertujuan menyemarakkan semangat kebersamaan dalam kalangan rakyat ketika masih memerangi Covid-19 yang su-

dah lebih setahun.

“Kita dilahirkan di tanah air ini dan menjadi sebahagian warganegara yang bersumpah setia untuk mempertahankannya sehingga akhir hayat kita,” katanya.